

黃氏逸書考

漢學堂經解

逸書考

歐陽生尙書章句

甘泉黃奭學

堯典

以親九族

九族乃異姓有親屬者

玉海

父族四五屬之

內爲一族父女昆弟適人者與其子爲

族已女昆弟適人者與其子爲一族已之

女子子適人者與其子爲一族母族三母

之父姓爲一族母之母姓爲一族母女昆

歐陽尚書

弟適人者與其子爲一族妻族二妻之父

姓爲一族妻之母姓爲一族

左傳疏引異義尚書歐陽

說

辯章百姓

史記索隱曰古文尚書作平此文蓋讀平爲浦排反平旣訓便因作

便章其今文作辯章古平字亦作便音婢緣反便則訓辯遂爲辯章鄒誕生木亦同

昊天

春曰昊天夏日蒼天秋日旻天冬曰上天

禮疏引異義尚書歐陽說

宅嵎義曰鄭注古文尚書篇與夏

美為宅嵎鐵味谷曰柳谷心腹腎腸曰憂

腎物剗則剗剗云臚宮剗割頭庶剗史

義並作禺鐵在遼西鐵古夷字也

坤谷正義說見宅嵎鐵困學紀聞曰周禮

鄭元所注尚書古篆邪反以為味古大篆

邪字讀當為柳古柳邪同字而以為味裴

松之謂翻言為然

舜讓于德不怡徐廣史記注曰今文尚書作

肆類于上帝

以類祭天者以事類祭之王制疏引異義

夏侯歐陽說

禋于六宗

所祭者六上不謂天下不謂地旁不謂四

方在六者之間助陰陽變化實一而名六

宗矣

正義引異義歐陽及大小夏侯說。周禮疏引異義今歐陽夏侯說六宗

者上

不及天下不及地旁不及四方居中

央恍惚

有補助陰陽變化有益於人故郊

祭之

○按漢書祭視志安帝元初六年以

尚書

歐陽宗章以六宗者在天地四方之

中爲

上下四方之宗劉昭注引歐陽和伯

夏侯

建曰並同書正義○山堂考索前集

作六

宗上不及天下不及地旁不及四時

在六

者之間助陰陽變化爲歐陽和伯夏

說建

說建

皋陶謨

惟刑之謚哉

徐廣曰今文云惟刑之謚哉索隱曰按古文作恤哉今文是伏

生口誦恤謚聲近遂作謚也

黎民祖飢

徐廣曰今文尙書作祖飢祖始也索隱曰古文作阻飢孔氏以爲阻

難也祖阻聲相近未知誰難

采政忽

史記索隱曰古文尙書作在治忽今文作采政忽先儒各隨字解之今此

云來始滑於義無所通蓋來采字相近滑忽聲相亂始又與治相似因誤爲來始滑

今依今文音采政忽三字劉伯莊云聽諸侯能爲政及怠忽者是也

辛壬癸甲

民國甲戌

欽易句誓

三江都朱氏

辛壬娶塗山癸甲生啟

史記索隱曰按尚書云娶于塗山辛

壬癸甲啟呱呱而泣子弗子今此云辛壬

娶塗山癸甲生啟蓋今文尚書脫陋太史

公取以為言亦不稽其本意豈有

辛壬娶妻經二日生子不經之甚

禹貢

滎播既都

史記索隱曰古文尚書作滎波此及今文並云滎播滎是澤名播是

水播溢

之義

州成五服至于五千

中國方五千里

王制疏引異義歐陽夏侯說

盤庚

女毋翕侮成人孔作汝無侮老成人

興降不永孔作崇降弗祥

憂腎陽說見上宅隅鐵

優賢揚魏志管寧傳載陶邱乙等薦管寧表優賢揚應垂聲千載裴松之注

引今文尚書曰優賢揚應謂揚其所應試又魏都賦優賢著於揚應劉淵林注引尚

書盤庚曰優賢揚應應試也

毋誓

螭猛獸也文選西都賦注引歐陽尚書說○案史記周本紀如螭徐厲三

此訓與螭同知今文尚書本作螭此訓當屬牧誓篇又說文离字下引歐陽喬說离

民國甲戌次易司雪四江都朱氏



猛獸也离卽螭  
字喬當作高

洪範

曰圉

困學紀聞曰周禮太卜注引洪範曰雨曰濟曰圉曰蠹曰剋詩齊子豈弟箋古

文尙書以弟爲圉王義洪範稽疑論卜兆有五日圉注云圉者色澤光明蓋古文作弟今文作圉賈逵以今文校之定以爲圉

洪範

肝木也心火也脾土也肺金也腎水也

月令疏引

異義今文尙書歐陽說

酒誥

王曰封惟曰若圭璧

困學紀聞曰劉向以中古文校歐陽大小夏侯

三家經文酒誥說簡一而大傳引酒誥曰王曰封惟曰若圭璧今無此句豈即脫簡與

無逸

肆高宗之饗國百年

孔作享國五十九年

毋劬

孔作逸

于遊田

孔作于田

無濫于觀于逸于遊

于田并石經尚書殘碑

○案洪氏隸釋尚書殘碑盤庚百七十二

字高宗彤日篇十五字牧誓篇二十四字

洪範篇百八字多士篇五字立政篇五十五

六字顧命篇十七字並詳後石經本卷句

字斷缺不可讀惟此四

句係全文故錄於此

立政

茲惟三公

天子三公一曰司徒二曰司馬三曰司空

九卿二十七大夫八十一元士凡百二十

在天為山川

書鈔引異義今尚書夏侯歐陽說

呂刑

牘宮剝割頭庶刺

說見上宅峨鐵

假我一日

困學紀聞俾我一日楊賜作假我一日原注賜通桓君章句即歐陽

尚書

漢學堂經解

逸書考

顧彪尙書義疏

甘泉黃奭學

孔氏傳

古者包犧氏之王天下也

包讀爲庖取其犧牲以供庖厨帝王世紀

云包犧母曰華胥有巨人跡出於雷澤華

胥以足履之有娠生包犧於成紀蛇身人

首

此下三條並孔安國序疏

包犧神農黃帝之書謂之三墳言大道也少

吳顓頊高辛唐虞之書謂之五典言常道也  
帝王世紀云神農母曰女登有神龍首感  
女登而生炎帝人身牛首黃帝母曰附寶  
見大電光繞北斗樞星附寶感而懷孕二  
十四月而生黃帝日角龍顏少昊金天氏  
母曰女節有星如虹下流意感而生少昊  
顓頊母曰景僕昌意正如謂之女樞有星  
貫月如虹感女樞於幽房之宮而生顓頊  
堯母曰慶都觀河遇赤龍晦然陰風感而

有孕十四月而生堯舜母曰握登見大  
感而生舜此言謂之三墳謂之五典者  
左傳有三墳五典之文故指而謂之  
史以竹簡寫之

策長二尺四寸簡長一尺二寸

堯典

欽明文思

隨便而言無義例也

正義云知者此先

達四聰先明後聰故知無例也今考舜典

云濬哲文明又先文後明與此不類知

得也

益稷

日月星辰山龍華蟲

日月星取其照臨山取能興雲雨龍取變化無方華取文章雉取耿介

藻火粉米黼黻

藻取有文火取炎上粉取潔白米取能養

黼取能斷黻取善惡

賁

厥賦惟上上錯傳賦謂土地所生以供天子  
上上第一錯雜雜出第二之賦

上上之下卽次上中故云雜出第二之賦  
也孟子稱稅什一爲正輕之於堯舜爲大  
貉小貉重之於堯舜爲大桀小桀則此時  
亦什一稅俱十一而得爲九等差者人功  
有强弱收穫有多少傳以荊州田第八賦  
第三爲人功修也雍州田第一賦第六爲  
人功少也是據人功多少總計以定差此



州以上上爲正而雜爲次等言出上上時  
多而上中時少也多者爲正少者爲雜故  
云第一此州言上上錯者少在正下故先  
言上上而後言錯豫州言錯上中者少在  
正上故先言錯而後言上中揚州云下上  
上錯不言錯下上者以本設九等分三品  
爲之上中下下上本是異品故變文言下  
上上錯也梁州云下中三錯者梁州之賦  
凡有三等其出下中時多故以下中爲正

上有下上下下有下下三等雜出故言三錯足明雜有下上下下可知也此九等所較無多諸州相準爲等級耳

夾右碣石傳碣石海畔山禹夾行此山之右山西曰右

導弱水至于合黎傳合黎水名在流沙東地說書合黎山名但此水出合黎因山爲名

五子之歌

怨豈在明不見是圖傳不見是謀備其微也  
怨豈在明未必皆在明著之時必於未形  
之日思善道以自防衛之是備慎其微也  
關石和鈞傳金鐵曰石供民器用通之使  
平則官民足

通金鐵於人官不禁障民得取之以供器  
用器既具所以上下充足以金鐵皆從石  
而生則金鐵亦石之類也

邦有常刑  
臣其有廢職懈怠不恭者  
當有常刑

季秋月朔辰弗集于房  
瞽奏鼓  
擊夫馳  
走

春秋昭十七年夏六月甲戌朔日有食之  
左傳云季平子曰惟正月朔慝未作日有食之  
于是乎有伐鼓用幣禮也其餘則不  
大史曰在此月也當夏四月是謂孟夏加

彼傳文惟夏四月有伐鼓用幣禮餘月

不然此以九月日食亦奏鼓用幣者夏禮

異于周禮也

案夏禮異於周禮也是顧氏云餘俱正義

湯詁

茲朕未知獲戾于上下傳此伐桀未知得罪

乎天地謙以求衆心

未知得罪于天地言伐桀之事未知得罪

于天地以否湯之伐桀上應天心下得人

事本實無罪而云未知得罪以否者謙

求衆心

伊訓

序成湯旣沒大甲元年伊尹作伊訓傳大甲  
大丁子湯孫也大丁未立而卒及湯沒而太  
甲立稱元年

殷家猶質踰月卽改元年以明世異不待  
正月以爲首也商謂年爲祀序稱年考  
以周世言之故也據此經序及太甲上  
太甲必繼湯後而殷本紀云湯崩太子

丁未立而卒於是乃立太丁之弟外丙  
年崩別立外丙之弟仲壬四年崩伊尹乃  
立太丁之子太甲與經不同彼必妄也止  
可依經詰大典不可用傳記小說

貞訓于蒙士傳蒙士例謂下士也

蒙謂蒙闇之士例字宜從下讀言此等流  
例謂下士也

大甲

伊尹免服奉嗣王歸于亳伊尹免冠

卽吉服

祥禫之制前儒不同案士虞禮云朞而小  
祥又朞而大祥中月而禫王肅云祥月之  
內又禫祭服彌寬而變彌數也禮記檀弓  
云祥而縞是月禫徙月樂王肅云是祥之  
月而禫禫之明月可以樂矣案此孔傳云  
二十六月服闋則與王肅同鄭元以中月  
爲間一月云祥後復更有一月而禫則三  
年之喪凡二十七月與孔爲異



感有一德

臣爲上爲德爲下爲民傳言臣奉上布德順下訓民

奉上謂奉爲在上解經爲上也布德謂布爲道德解經爲德也順下謂卑順以爲臣下解經爲下也訓民謂以善道訓助下民解經爲民也

正義云顧氏亦同此

盤庚

今其有今罔後汝何生在上傳言不徙無後

計汝何得久生在人上禍將及汝

責羣臣汝今日其且有今日目前之小利無  
後日久長之計患禍將至汝何得久生在  
民上也

泰誓

陂池侈服傳侈謂服飾過制

華侈服飾

百姓懍懍若崩厥角傳言民畏紂之虐危懼  
不安若崩推其角無所容頭

常如人之欲崩其角也言容頭無地隱三年穀梁傳曰高曰崩頭角之稱崩體之高也

洪範

敬用五事

正義云敬用農用等一十八字大劉及顧氏以爲龜背先有總三十八字小劉以爲敬用等亦禹所第敘其龜文惟有二十字並無明據未知孰是

嚮用五福威用六極

前八事俱得五福歸之前八事俱失六極臻之故福極處末也

一曰水二曰火三曰木四曰金五曰土

其生數

水火木金得土數而成故水成數六火成數七木成數八金成數九土成數十

無虐癸獨而畏高明

正義云此經皆是據天子無陵虐癸獨而畏避

高明寵貴者顧氏亦以此經據人君

庶民惟星星有好風星有好雨傳星民象

衆民惟若星箕星好風畢星好雨亦民所

箕星好風者箕東方木宿風中央土氣木

克土爲妻從妻所好故好風也畢星好雨者畢西方金宿雨東方木氣金克木爲妻從妻所好故好雨也推此則南宮好暘北宮好燠中宮四季好寒以各尙妻之所好故也

案此鄭氏說也正義云顧氏所解亦同於鄭

六語

驛下曷敢不越卬救寧王大命

正義云顧氏以上不卬自

驛下曷敢不越卬救寧王大命

以卬爲惟

要四

又曰者周公重言之也

爽惟天其罰殛我我其不怨傳明惟天其以  
民不安罰誅我我其不怨天

明惟天者言天明察在上見民不安乃以  
刑罰誅戮於我

酒誥

惟元祀

元大也

其藝黍稷奔走事厥考厥長傳其當勤種黍  
稷奔走事其父兄

勤種黍稷奔馳趨走也

召誥

節性惟日其邁傳和比殷周之臣時節其性  
令不失中則道化惟日其行

和協殷周新舊之臣制其性命勿使怠慢  
也

洛誥

序召公既相宅周公往營成周使來告卜傳  
召公先相宅卜之周公自後至經營作之遣  
使以所卜吉兆逆告成王

周公既至洛邑乃遣以所卜吉兆來告於  
王

我卜河朔黎水傳我使人卜河北黎水上不  
吉

先卜河北黎水者近于紂都爲其懷土重  
遷故先卜近以悅之



土肇稱殷禮祀于新邑成秩無文傳言王當  
郊舉殷家祭祀以禮典祀于新邑皆次秩不  
在禮文者而祀之

舉行殷家舊祭祀用周之常法言周禮卽  
殷家之舊禮也

考周書十刑乃單文祖德佯來悲殷乃命室  
考周書十刑乃單文祖德佯來悲殷乃命室  
考周書十刑乃單文祖德佯來悲殷乃命室

文武使我來慎教殷民我今受文武之命  
以安民也

君夷

予惟用閔于天越民傳我惟用勉於天道加  
於民

我亦自用勉勸躬行於天道加益於民人  
也

多方

西曷不夾介乂我周王享天之命傳夾近也

汝何不近大見治於我周王以享天之命而  
爲不安乎

汝衆方諸侯何不常和協相親近大顯見  
治道於我周王以享上天之命而今何以  
不自安乎

越惟有胥伯小大多正傳於惟有相長事小  
大衆正官之人

相長事卽小大衆正官之人也

又曰時惟爾初

入曰然乎又復言曰也

立政

我其克灼知厥若不乃俾亂使我其能灼然知其順否則大乃使治之言知臣下之勤勞然後莫不盡其力

君能知臣下順於事則臣感君恩大乃治理各盡心力也

自一話一言我則末惟成德之彥以又我受民傳言政當用一善善在一言而已欲其口

無擇言如此我則終惟有成德之美以治我所受之民

人君爲政之道當須用一善而已爲善之法惟在一言也末訓爲終彥訓爲美王能出言皆善口無可擇如此我王則終惟有成德之美以治我所受天民矣釋訓云美士爲彥故彥爲美

顧命

伯相命士須材傳召公命士致材木須待

供喪用

命士供葬槨之材

先輅在左塾之前次輅在右塾之前傳先輅象次輅木金玉象皆以飾車木則無飾皆在路寢門內左右塾前北面凡所陳列皆象成王生時華國之事所以重顧命

先輅在左塾之前在寢門內之西北面對玉輅次輅在右塾之前在寢門內之東對金輅也凡所陳列自狄設黼扆已下至此

顧彪尚書義疏

四

皆象成王生時華國之事所以重顧命也

漢學堂經解

逸書考

申培魯詩傳

甘泉黃貳學

關雎

周道缺詩人本之衽席關雎作○周室衰

而關雎作

司馬遷說

周之康王夫人晏而出朝

關雎起興思得淑女以配君子夫雎鳩之

鳥未嘗見其乘居而匹處也

列女傳○案司馬遷劉向

皆宗魯詩

珮玉晏鳴關雎刺之

臣瓚曰此魯詩也

知好

色之代性短年離制度之生無厭天下將



蒙化凌夷而成俗也故咏淑女幾以配上

忠孝之篤仁愛之作也

漢書杜欽傳李奇曰后夫人雞鳴佩

玉去君所周康王后不

然故詩人歎而傷之關雎作為傷始亂

○周康之時頌聲作乎下關雎作乎上習

治也

楊雄說雄亦作魯詩

案

康王一朝晏起關雎見

幾而作

後漢楊賜傳注云此

事見魯詩今亡失矣曲沃負謂其

子如耳曰周之康王晏出朝故作關雎之

歌以感諷之

後漢皇后紀論注引劉向列女傳○案後漢明帝詔昔應

門失守關雎刺世應門失守一語本春秋說題辭其言曰人主不正應門失守故歌

關雎以感之然第歌以感之不云作以刺  
時也後人遂謂康王一朝晏起夫人不鳴  
璫宮門不擊柝關雎之人見幾而作至范  
蔚宗皇后紀序猶用其說張超曰關雎畢  
公作張超康成弟子或  
云畢公作是蔡邕說

# 芣苢

蔡人之妻者宋人之女也旣嫁於蔡而夫  
有惡疾其母將改嫁之女曰夫不幸乃妾  
之不幸也奈何去之適人之道一與之醮  
終身不改且采采芣苢之草雖其臭惡猶  
始於將采之終於懷擷之况夫婦乎乃作

采芣之詩

列女傳○案劉歆辨命論冉耕

癩疾是也此宋女亦

論語伯牛有疾注曰

疑是歌采芣之詩

汝墳

周南大夫受命平治水土過時不來其妻

悲其解於王事蓋與其鄰人陳素所與大

夫言國家多難唯勉強之無有譴怒遺父

母憂生於亂世迫於暴虐然而仕者爲父

母在也乃作詩曰魴魚頰尾王室如燬雖

則如燬父母孔邇

列女傳○案後漢周磐嘗讀是詩而起思親之

慕若曰王政雖迫如火  
矣其如我之父母何

### 草蟲

孔子曰未見君子憂心惓惓亦既見止亦  
既覯止我心則悅詩之好善道之甚也如

此

說苑

### 甘棠

召伯巡行鄉邑有棠樹決政事其下人思  
召公懷棠樹不敢代故歌詠之史傳曰自  
陝以東者周公主之自陝以西者召公主

之召公述職當桑蠶之時不欲變民事故  
不入邑中舍於甘棠之下而聽斷焉陝間  
之人皆得其所是故後世思而歌詠之苑

五○案所引傳  
蓋卽魯詩傳文

行露

召南申女者申人之女也旣許嫁於酈夫  
家禮不備而欲迎之女與其人言夫婦者  
人倫之始也不可不正夫家輕禮違制不  
可以行夫家訟之於理女終以一禮不備

持義不往而作詩曰雖速我獄室家不足  
君子以爲得婦道之儀故舉而揚之傳而  
法之以絕無禮之求防淫慾之行焉列女傳  
何彼穠矣

齊侯嫁女以其母王姬始嫁之車遠送之  
儀禮疏引箴膏肓○此爲魯詩說見康成答張逸語

騶虞

騶虞天子掌鳥獸官

異義引詩韓魯說

古有梁騶

者天子田獵之曲也

文選注六

梁騶者天子之

田也

兩漢刊誤補遺六

一發五豝喻得賢者多也

吁嗟乎騶虞嘆仁人也

射義注○案鄭注三禮時未見毛詩

所說皆魯詩

柏舟

衛宣夫人者齊侯之女也嫁於衛至城門而衛君死保母曰可以還也不聽遂入持三年之喪畢弟立請曰衛小國也不容二庖願請同庖衛君使人愬於齊之兄弟齊兄弟皆欲之夫人曰唯夫婦同庖終不聽

乃作詩曰我心匪石不可轉也我心匪席  
不可卷也厄窮而不憫榮辱而不苟然後  
能自致也言不失也然後可以濟難也詩  
威儀逮逮不可選也言其左右無賢臣皆  
順其君之欲也列女傳憂心悄悄愠於羣小  
小人成羣斯足憂矣說苑○案此說同毛序

燕燕

衛定姜者定公之夫人公子之母也公子  
既娶而死其婦無子畢三年之喪定姜歸



其婦自送之至于魯乃賦詩曰燕燕于飛  
差池其羽之子于歸遠送于野送去歸泣  
而望之又作詩曰先君之思以勗寡人君  
子以定姜爲慈姑列女傳此衛夫人定姜之  
詩也定姜無子立庶子衎是爲獻公勗孝  
也獻公無禮于定姜定姜作詩言獻公當  
思先君以孝於寡人禮記坊記注引釋文曰此是魯詩○詩正義鄭志答吳模云注紀時就盧君後得毛傳乃改之

凱風

莫慰母心謂母心不悅也

趙岐孟子注

雄雉

言不忮害不貪求何用爲不善乎疾貪惡

忮害之詞

馬融論語注

谷風

此詩故親今疎也言人之交當如采葑采

菲取一善而已君子無求備於一人能如

此則德音之美不離令名我願與之同死

矣

禮記注

式微

黎莊夫人者衛侯之女既往而不同欲未  
嘗得見其傳母閔夫人賢公反不納恐其  
見遺而不以時去謂夫人曰夫婦之道有  
義則合無義則去今不得意胡不去乎乃  
作詩曰式微式微胡不歸夫人曰婦人之  
義一而已矣彼雖不吾以吾可以離婦道  
乎乃作詩曰微君之故胡爲乎中列女傳  
黎莊夫人執行不衰莊公不偶行節反乖

傅母勸去作此詩式微夫人守節終不肯

歸

列女傳賢

二子乘舟

衛宣公之子伋也壽也朔也伋前母子也  
壽與朔後母子也壽之母與朔謀欲殺太  
子伋而立壽使人與伋乘舟於河中將沉  
而殺之壽知不能止也因與之同舟舟人  
不能殺伋方乘舟時伋傅母恐其死也閔  
而作詩二子乘舟之詩是也舟行無恙未

幾又使伋之齊使盜見載旌者要而殺之  
壽止伋伋曰棄父之命非子道不可壽又  
與之偕行壽之母知不能止也因戒之曰  
壽無爲前也壽又竊伋旌以先行幾至齊  
矣盜見旌而殺之伋至見壽之死痛弟代  
已涕泣悲哀遂載其尸還至境自殺兄弟  
俱死故君子義此二人而傷宣公之聽讒

也

新序

牆有茨

魯故甯作甯故曰中甯中夜也

漢書注晉灼曰魯詩

以爲夜也

鵲之奔奔

賁賁姜姜爭鬪惡貌不良善也言我以惡人爲君亦使我惡如大鳥姜姜於上小鳥

賁賁於下

禮記注

載馳

許穆夫人者衛懿公之女也初許求之齊亦求之懿公將與許女因其傅母言曰舍

近而就遠離大而附小一旦有車馳之難  
孰可與慮社稷衛君不聽其後狄人攻衛  
破之許不能救夫人馳驅而弔衛侯因疾  
之而作詩

列女傳

碩人

莊姜始至操行衰墮淫佚冶容傅母諭之  
云子之家世尊崇當爲法則子之質聰達  
於事當爲人表式衣錦絢裳飾在車馬是  
不貴德也乃作碩人之詩姜遂感而自修

也列女傳

芄蘭

能治煩亂者佩觿能射御者佩玦說苑

黍離

衛宣公之子壽閔其兄且見害作憂思之

詩黍離是也新序

大車

楚伐息破之虜其君使守門納息夫人於宮楚王出遊息夫人出見息君曰人生要



一死而已何至自苦妾無須臾之日而忘  
君也終不以身更貳醢生離於地上豈如  
死并於地下哉乃作詩曰穀則異室死則  
同穴謂予不信有如皦日息君止之夫人  
不聽遂自殺息君亦自殺楚王賢其夫人  
守節有義乃以諸侯之禮合而葬之

列女傳

碩鼠

三歲宦女

洪氏隸釋曰魯詩殘碑貫作宦

山有藟

洪氏隸釋曰魯詩殘碑樞作藟

當周公召公共和之世成侯曾孫僖侯甚

嗇愛物儉不中禮國人閔之唐之變風始

作史記魯傳曰天子食日舉樂諸侯不釋縣

大夫士日琴瑟公羊傳注引魯詩傳○案此則白虎通所引詩日大

夫士琴瑟御蓋即此詩傳文非逸詩也

揚之水

素衣朱綃綃綺屬儀禮士昏禮注宵讀爲詩素衣朱綃之綃魯詩

以綃爲綺屬也禮記正義云魯詩爲綃

渭陽

重耳入秦秦送之晉太子營思母之恩而

送舅氏曰我送舅氏曰至渭陽

列女傳

東門之池

停水曰池

鄭箋引孔安國說○案安國亦宗魯詩

墓門

陳辨女者陳國采桑之女也晉大夫解居甫使於宋道過陳遇采桑之女而戲之曰女爲我歌吾將舍女乃爲歌曰墓門有棘斧以斯之夫也不良國人知之知而不已

誰昔然矣又曰爲我歌其二女曰墓門有  
梅有鴉萃止夫也不良歌以訊之訊予不  
顧顛例思予大夫曰其棘則然其鴉安在  
女曰陳小國也攝乎大國之間因之以饑  
饉加之以師旅其人且亡而况鴉乎大夫  
乃服而釋之列女傳○案此謂辨女歌墓  
門之詩非謂作墓門之詩也  
墓門是地名非邱墓之門楚辭何鸞鳥萃  
棘而縱子肆情王逸注曰解居父聘吳過  
陳之墓門見婦負其子欲  
與之淫佚婦人引詩刺之

澤陂

陽如之何陽予也

爾雅注  
引魯詩

鴈鴈

鴈之所以養七子者一心也君子之所以  
理萬物者一儀也以一儀理物天心也五  
者不離合而爲一謂之天心在我能因自  
深結其意於一故一心可以事百君百心  
不可以事一君是故誠不遠也夫誠者一  
也一者質也君子雖有外文必不離內質

矣

說苑引魯  
詩傳文

七月

秀萋味苦苦萋也

劉向說

鹿鳴

仁義凌遲鹿鳴刺焉

史記

皇皇者華

駉駉征夫每懷靡及夙夜征行猶恐無及

况欲懷安將安及矣

列女傳

出車

戎狄破逐周襄王立子帶爲天子侵盜暴

虐中國中國疾之故詩人歌之曰薄代玃

狁至至太原出輿彭彭城彼朔方

史記匈奴傳

魚麗 物其有矣維其時矣

物之所以有而不絕者以其時也

說苑

蓼蕭 和鸞雍雍

和設軾者也鸞設衡者也

後漢輿服志注引魯訓

六月

周室既衰四夷並侵玃狁最强至宣王而

伐之詩人美而頌之

劉歆本傳引六月詩

吉甫之歸

周厚賜之其詩來歸自鎬千里之鎬猶以

爲遠

劉向奏疏

庭燎

宣王嘗臥而晏起姜后脫簪珥待罪於永巷使其傅母進言於王曰妾不才妾之淫心見矣至使君王失禮而晏起以見君王樂色而淫也敢請婢子之罪宣王感悟於是勤於政早朝宴臥卒成中興之各

列女傳

斯干



周德既衰而奢侈宣王賢而中興更爲儉  
宮室小寢廟詩人美之斯千之詩是也上  
章言宮室之如制下章言孫子之衆多也

劉向  
說

節彼南山 四牡項領

久駕而長不得行項領不亦宜乎易曰臀  
無膚其行且次此之謂也

新  
序

正月繁霜

霜降失節不以其時○民之訛言亦孔之

將言民以是爲非甚衆大也

劉向改事疏

十月之交

此爲厲王之詩經師移易其次第耳幽王

時司徒乃鄭桓公友非此篇所云番也

鄭氏

說○案顏師古述魯詩作厲王詩知鄭厲所云亦本魯詩及緯書摘雜貳之說

王無道內嬖熾盛政化失理故致災異日

爲之食爲不善也

漢書谷永傳顏師古注述魯詩

閭妻驕

煽日以不臧

谷永傳顏師古注引魯詩小雅十月之交篇曰此日而食

於何不臧又曰閭妻扇方處

雨無極

論薰以鋪薰帥也

詩攷一

小弁

伯奇放流首髮早白故曰維憂用老

王充論衡

伯奇既逐履霜以足採葶花以食其鄰大

夫閔之乃賦小弁

蔡邕琴操

小弁伯奇之詩也

伯奇仁人而父虐之故作小弁之詩曰何

辜於天親親而悲怨之詞也

趙岐孟子注孫疏伯奇當

是宜舅然魯詩原作伯奇也

巧言

此傷奸臣做主以爲樂者也

說苑

無將大車

周大夫有親信小人者其臣諫之而作是詩

鼓鐘

以雅以南韞任朱離

後漢陳禪傳注云毛詩無韞任朱離之文

蓋齊魯詩也

裳裳者華

民國甲戌

韋音魯詩專

十五江都朱氏

君子者無所不宜也是故裨冕厲戒立於  
廟堂之上有司執事無不敬者斬衰苴經  
立於喪次賓客弔唁無不哀者被甲纓冑  
立於桴鼓之間士卒無不勇者故仁足以  
懷百姓勇足以安危國信足以結諸侯強  
足以拒患難成足以牽三軍故曰爲左亦  
宜爲右亦宜爲君子無不宜者此之謂也

說苑

角弓

君子道消則政日亂故爲否小人道消則  
政日治故爲泰詩曰雨雪濇濇見睍曰消  
與易同義

劉向  
封事

文王

孔子論詩至於殷士膚敏裸將於京喟然  
歎曰大哉天命善不可不傳於子孫是以  
富貴無常不如是則王公何以戒慎民萌  
何以勸勉蓋傷微子之事周而痛殷之亡

也

漢書劉  
向說

民國甲戌

有音魯詩專

十六江都朱氏

大明

師之尙之父之故曰師尙父

劉向別錄

棧樸 追琢其章金玉其相

言其質美也

思齊

太姒號曰文母思媚太姜旦夕勤勞以盡

婦道文王理外太姒理內生十子也

列女傳

肆成人有德小子有造太學之教也

說苑

皇矣 侵阮徂共

阮徂共三國犯周文王伐之密須之人乃  
敢距其義兵爰整其軍旅以却止徂國之  
兵

鄭氏說○張融曰魯詩以阮徂共皆國名與毛詩不同

### 靈臺

積恩爲愛積愛爲仁積仁爲靈靈臺之所  
以爲靈者積仁也神靈者天地之本萬物  
之始也

說苑

辟璧也水圓如璧

白虎通引詩訓○案漢志

申公爲魯詩訓故有詩故三十五卷後漢所引魯訓卽魯故也則此詩訓亦當卽魯訓



文王有聲 詒厥孫謀以燕翼子

燕晏安也翼敬也言文王詒其孫以善謀

以安敬之道詒其子子謂武王也

班彪傳注

生民

姜嫄爲帝嚳元妃出野見巨人跡心欣悅  
欲踐之踐之而心動如孕者居期而生子  
以爲不祥棄之隘巷馬牛過者皆辟不踐  
徙置之林中適會山林多人遷之而棄渠  
中冰上飛鳥以其翼覆薦之原以爲神遂

收養長之本經姜嫄行見巨人跡好

履之歸而有娠卜筮禮祀以求男子終迄

子以爲祥而棄之傳帝上帝於野也今

左右迄風之言福也祀郊禘之時時則有

大神之跡姜嫄履之足不能滿其拇指之

處心體歆歆其左右乃止處如有人道感

已者也遂有娠而肅戒不復御生子而養

長名曰棄毛詩聖人皆無父感天而生義

引齊魯后稷曰姜嫄出見大人蹟而履踐

韓詩說

音聲詩專

之知於身則生稷姜嫄以爲無父賤而棄  
之牛羊避不踐抱之山中山者養之又捐  
之大澤鳥覆席食之姜嫄怪之乃取長之  
堯知其賢才立以爲大農姓之曰姬氏姬  
者本也詩人美而頌之曰厥初生民深脩  
益成而道后稷之始也

史記三代年表  
諸先生述詩傳

板 喪亂茂資曾莫惠我師

此傷奢侈不節以爲亂者

說苑

於穆清廟

文王既沒周公思慕歌詠其德劉向說穆爲

敬之容書傳取其崇祀之清貌曰清廟獨

離

武王周公繼政朝臣和於內萬國歡於外

故盡得其歡心以事其先祖詩云有來離

離至止肅肅言羣臣皆以和來也劉向說

絲衣 自堂徂基以羊徂牛鼐鼎及鼐

言以內及外以小及大也劉向說鼐小鼎說文

七上引  
魯詩說

賚

於繹思

釋文云毛詩無此句齊魯韓詩有之

閔宮

遂撫大東

爾雅注邢昺曰或當在齊魯韓詩

那

襄公之時修行仁政欲為盟主其大正考父美之追道契湯高宗殷所以興作商頌

詩史

元鳥

降而生商宅殷土芒芒

降下也天使胤下生商者謂胤遺卵娥氏  
之女簡狄吞之而生契爲堯司徒有功封  
商堯知其後將興又錫其姓焉白契至湯  
八遷始居亳之殷地而受命鄭氏說湯之先  
爲契契母與姊浴於元邱水有燕銜卵墮  
之契母含之誤吞之卽生契立爲司徒姓  
之曰子子者茲茲益大也天命元鳥降而  
生商商者殷質號也史記三代年表  
褚先生述詩傳

長發 有城方將帝立子生商

帝黑帝也禹敷下土之時有城之國亦始

廣大簡狄吞齔卵而生契堯封之於商後

商王因以為天下號故曰帝立子生商鄭氏

說為下國睨郵禮記注正義云引齊魯韓詩也

殷武

殷中宗周成宣王皆以時毀異義引詩魯說丞相匡衡

云

三王之樂可得觀乎知王者所封三代而

已異義引魯詩說。不知所屬故附於末

附錄蔡邕獨斷

清廟一章八句洛邑既成諸侯朝覲宗祀文王之所歌也

維天之命一章八句告太平於天子之所歌也

維清一章五句奏象武之所歌也

烈文一章十三句王即政諸侯助祭之所歌也

天作一章七句祀先王公之所歌也



昊天有成命一章七句郊祀天地之所歌也  
我將一章十句祀文王於明堂之所歌也  
時邁一章十五句巡守告祭柴望之所歌也  
執競一章十四句祀武王之所歌也

思文一章八句祀后稷配天之所歌也

臣工一章十句諸侯助祭遣之於廟之所歌也

噫嘻一章八句春夏祈穀於上帝之所歌也  
振鷺一章八句二王之後來助祭之所歌也

豐年一章七句蒸嘗秋冬之所歌也

有瞽一章十三句始作樂合諸樂而奏之所歌也

潛一章六句季冬薦魚春獻鮪之所歌也

雍一章十六句禘太祖之所歌也

載見一章十四句諸侯始見於武王廟之所歌也

有客一章十三句微子來見祖廟之所歌也  
武一章七句奏大武周武所定一代之樂之

所歌也

閔子小子一章十一句成王除武王之喪將  
始卽政朝於廟之



歌也

訪落一章十二句成王謀政於廟之所歌也  
敬之一章十二句羣臣進戒嗣王之所歌也  
小毖一章八句嗣王求忠臣助已之所歌也  
載芟一章三十二句春籍田祈社稷之所歌  
也

良耜一章二十三句秋報社稷之所歌也

絲衣一章九句緯賓尸之所歌也

酌一章九句成大武言能酌先祖之道以養天下之所歌也

桓一章九句師祭講武類禡之所歌也

賚一章六句大封於廟賜有德之所歌也

般一章七句巡狩四嶽河海之所歌也

宋邕以熹平四年奏求正定六經嘗用魯詩書碑太學門外經義考因此遂謂蔡氏爲魯詩學而以獨斷所引周頌三十一篇

詩序爲據魯詩故並錄之